

arins og fyrirtækja hans eigi síðar en 1. júní ár hvert. Bæjarfulltrúar og bæjarstjóri skulu árita ársreikninginn.

Eintak af ársreikningnum skal senda félagsmálaráðuneytinu og Hagstofu Íslands fyrir 15. júní ár hvert ásamt greinargerð endurskoðanda og skoðunarmanna.

Samþykkt þessi, sem samin er og samþykkt af bæjarstjórn Hafnarfjarðarkaupstaðar samkvæmt 10. og 25. gr. sveitarstjórnarlaga nr. 45/1998, staðfestist hér með til þess að öðlast þegar gildi. Jafnframt fellur úr gildi samþykkt um stjórn Hafnarfjarðarkaupstaðar og fundarsköp bæjarstjórnar nr. 262/2001.

Félagsmálaráðuneytinu, 27. ágúst 2002.

F. h. r.

Hermann Sæmundsson.

Guðjón Bragason.

REGLUR

um breytingu (11) á reglum fyrir Háskóla Íslands nr. 458/2000.

1. gr.

Töluliður 2.1 í upptalningu lærdómstítla í 1. mgr. 54. gr. reglnanna breytist og verður svohljóðandi:

Meistarapróf, Magister artium, Magister scientiarum, Magister paedagogiae, Master of Public Administration og Master of Laws, M.A./M.S./M.Paed./MPA/LL.M., 2 ár að jafnaði, að loknu B.A./B.S. eða sambærilegu námi.

2. gr.

Í stað 91. gr. reglnanna kemur ný grein svohljóðandi:

91. gr.

Almennt um nám við lagadeild og námsgreinar.

Lagadeild veitir kennslu til B.A.-prófs og embættisprófs í lögfræði, svo og til diplomaprófs, sbr. 6. mgr. Embættispróf í lögfræði er jafngildi meistaraprófs. Sá sem hefur lokið embættisprófi við lagadeild ber prófutilinn cand. jur.

Kennsla fer fram í námsgreinum sem metnar eru til námseininga. Nám í lögfræði til B.A.-prófs jafngildir 90 einingum. Nám í lögfræði til embættisprófs jafngildir 150 einingum, þ.e. 60 einingum í framhaldsnámi að loknu B.A.-prófi. Nám til diplomaprófs jafngildir 45 einingum.

Námsgreinar til B.A.-prófs í lögfræði eru: Almenn lögfræði, inngangur að lögfræði, ágríp af réttarsögu, heimspekileg forspjallsvísindi, stjórnskipunarréttur ásamt ágrípi af þjóðarétti, sifja- og erfðaréttur, skaðabótaréttur, samningaréttur, eignaréttur, stjórnarsýsluréttur I, stjórnarsýsluréttur II, refsiréttur I, refsiréttur II, réttarfar I, réttarfar II, kröfuréttur I og kröfuréttur II. Stúdent skal þar að auki standa skil á ritgerð eða ljúka öðru sambærilegu verkefni. Lagadeild tekur ákvarðanir um vægi námsgreina þessara og ritgerðar (eða annars verkefnis) til B.A.-prófs og niðurröðun þeirra á misseri, sbr. þó 92. gr.

Framhaldsnám í lögfræði til embættisprófs er fólgið í því, að stúdent skal ljúka náms-

greinum sem jafngilda alls 45 einingum, auk þess sem hann skal standa skil á kandídatsritgerð eða öðru lokaverkefni sem metið er til 15 eininga. Ennfremur skal stúdent ljúka námsvist meðan á framhaldsnámi hans stendur.

Í lagadeild er heimilt að bjóða upp á sérstakt nám til meistaraþrófs og doktorsþrófs í lögfræði, á íslensku eða á ensku, samkvæmt nánari reglum sem lagadeild setur og háskólaráð staðfestir. Sá sem hefur lokið meistaranámi í þjóðarétti og umhverfisrétti við lagadeild, eftir B.A.-próf í lögfræði eða sambærilegt nám, ber próftítilinn LL.M. (Master of Laws) in International and Environmental Law.

Námsgreinar til diplomaprófs eru kenndar við lagadeild, viðskipta- og hagfræðideild, félagsvísindadeild og heimspekideild Háskóla Íslands og eru tilgreindar í sérreglum, sem lagadeild setur.

Lagadeild setur nánari reglur um nám við lagadeild, þ. á m. um B.A.-nám og framhaldsnám í lögfræði, æfingaskyldu og námsvist.

Lagadeild setur reglur um viðurkenningu fyrra náms við endurskráningu stúdenta og umskráningu úr öðrum deildum.

Lagadeild gerir árlega, ef þörf krefur, rökstuddar tillögur til háskólaráðs um takmörkun á fjölda stúdenta í meistara- og doktorsnámi við deildina. Ákvörðun háskólaráðs skal tilkynna fyrir upphaf þess háskólaárs, sem hún tekur til. Háskólaráð setur, að fengnum tillögum deildar, reglur um hvernig staðið skuli að inntöku stúdenta og skulu þær birtar í kennsluskrá ár hvert.

3. gr.

Í stað 92. gr. reglnanna kemur ný grein svohljóðandi:

92. gr.

B.A.-nám í lögfræði og diplomanám.

Á fyrsta misseri B.A.-náms í lögfræði, haustmisseri, getur stúdent eingöngu skráð sig til náms í þremur námsgreinum, þ.e. almennri lögfræði, inngangi að lögfræði og ágripi af réttarsögu. Á vormisseri fyrsta námsárs getur stúdent eingöngu skráð sig til náms í stjórnskipunarrétti ásamt ágripi af þjóðarétti, sífja- og erfðarétti og heimspekilegum forspjallsvísindum. Skilyrði þess að stúdent geti skráð sig í aðrar námsgreinar í B.A.-námi er að hann hafi staðist próf í fyrrgreindum þremur námsgreinum á fyrsta misseri B.A.-náms.

Á fyrsta misseri diplomanáms, haustmisseri, getur stúdent eingöngu skráð sig til náms í tveimur námsgreinum við lagadeild, þ.e. inngangi að lögfræði í diplomanámi og almennri lögfræði í diplomanámi, og getur stúdent ekki skráð sig í aðrar námsgreinar í diplomanámi við lagadeild fyrr en hann hefur staðist próf í fyrrgreindum tveimur námsgreinum.

Heimilt er umsjónarkennara í hverri námsgrein til B.A.-prófs og diplomaprófs að leggja þá skyldu á stúdenta að leysa af hendi allt að tveimur verkefnum meðan þeir stunda nám í greininni. Slík skylduverkefni gilda ekki sem hluti af námsmati nema svo sé sérstaklega kveðið á um.

Próf í námsgreinum til B.A.-prófs og diplomaprófs skulu vera skrifleg.

Próf í inngangi að lögfræði (í B.A.-námi og diplomanámi) skal haldið á miðju kennslutímabili á haustmisseri, en próf í öllum öðrum námsgreinum til B.A.-prófs og diplomaprófs skulu haldin í lok kennslutímabils. Sjúkra- og upptökupróf í inngangi að lögfræði (í B.A.-námi og diplomanámi), ágripi af réttarsögu og almennri lögfræði (í B.A.-námi og diplomanámi) skulu eingöngu haldin á vorpróftímabili, en ekki á sumarpróftímabili. Heimilt er þó að halda sérstakt sjúkrapróf í almennri lögfræði (í B.A.-námi og diplomanámi). Önnur sjúkra- og upptökupróf skulu haldin á sumarpróftímabili og um þau fer að öðru leyti eftir ákvæðum 56. gr. þessara reglna.

Til að standast próf í B.A.-námi í lögfræði verður stúdent að hljóta minnst einkunn-

ina 7,0 í öllum þremur námsgreinum fyrsta misseris, þ.e. inngangi að lögfræði, ágripi af réttarsögu og almennri lögfræði, en 6,0 í öðrum námsgreinum hverri um sig. Lokaeinkunn til B.A.-prófs í lögfræði skal reiknuð sem vegið meðaltal einkunnna úr einstökum námsgreinum.

Til að standast próf í diplomanámi verður stúdent að hljóta minnst einkunnina 5,0 í öllum námsgreinum hverri um sig. Lokaeinkunn til diplomaprófs skal reiknuð sem vegið meðaltal einkunnna úr einstökum námsgreinum.

Stúdent sem hefur lokið prófum í inngangi að lögfræði, ágripi af réttarsögu og almennri lögfræði er ekki heimilt að gangast oftast en fjórum sinnum undir sama próf í námsgreinum í B.A.-námi og diplomanámi. Falli stúdent fjórum sinnum á prófi í sömu námsgrein í B.A.-námi eða diplomanámi, er hann fallinn úr lagadeild.

Lagadeild getur heimilað að lagánám sem stundað hefur verið við aðra háskóla verði metið sem hluti af B.A.-námi eða diplomanámi.

Stúdent skal hafa lokið B.A.-prófi í lögfræði eigi síðar en á því almanaksári þegar fimm ár eru liðin frá innritun hans í B.A.-nám við lagadeild. Stúdent skal hafa lokið diplomaprófi eigi síðar en á því almanaksári þegar fjögur ár eru liðin frá innritun hans í diplomanám við lagadeild. Lagadeild getur veitt undanþágu frá þessum ákvæðum um tíma-mörk ef veikindi eða aðrar vítaleysisástæður koma til.

4. gr.

Í stað 93. gr. reglnanna kemur ný grein svohljóðandi:

93. gr.

Framhaldsnám í lögfræði til embættisprófs.

Stúdent skal hafa lokið B.A.-prófi í lögfræði frá lagadeild Háskóla Íslands áður en hann hefur framhaldsnám í lögfræði til embættisprófs. Lagadeild getur heimilað að stúdent, sem lokið hefur sambærilegu prófi frá öðrum háskóla, hefji framhaldsnám við deildina til embættisprófs.

Fyrir hver áramót ákveður lagadeild þær námsgreinar í framhaldsnámi sem boðnar verða til kennslu á næsta háskólaári, að minnsta kosti 10 námsgreinar á hvoru misseri.

Í framhaldsnámi skal stúdent velja sér efnissvið til ritgerðar eða annars lokaverkefnis. Stúdent skal velja einn af kennurum deildarinnar sem umsjónarkennara í því námi og skal valið háð samþykki kennarans og lagadeildar. Umsjónarkennari getur ákveðið að stúdent þreyti próf úr efni ritgerðar eða lokaverkefnis og metið árangur hans sem hluta af einkunninni. Stúdent getur ekki lokið ritgerð eða öðru lokaverkefni nema hann hafi áður staðist próf í námsgreinum sem vega að minnsta kosti 35 einingar alls. Lagadeild setur reglur um kröfur sem gerðar skulu til ritgerðar eða annars lokaverkefnis og um hlutverk umsjónarkennara.

Lagadeild ákveður fyrirkomulag prófa í framhaldsnámi, þ. á m. getur deildin ákveðið að próf í einstökum námsgreinum verði haldin á miðju kennslutímabili. Heimilt er að ákveða að ritgerðir eða önnur námsvinna komi í stað prófs í námsgrein, að hluta eða öllu leyti. Stúdent má ekki gangast oftast en tvisvar sinnum undir sama próf í námsgreinum í framhaldsnámi. Um sjúkra- og upptökupróf fer að öðru leyti eftir ákvæðum 56. gr. þessara reglna.

Til að standast próf í framhaldsnámi í lögfræði verður stúdent að hljóta minnst einkunnina 6,0 í öllum námsgreinum hverri um sig og einnig fyrir kándídatritgerð (eða annað lokaverkefni). Lokaeinkunn til embættisprófs í lögfræði skal reiknuð sem vegið meðaltal einkunnna úr einstökum námsgreinum í B.A.-námi og í framhaldsnámi.

Lagadeild getur heimilað að nám við aðrar háskóladeildir eða aðra háskóla verði metið sem hluti af framhaldsnámi, þó að hámarki 30 einingar alls. Áskilið er, að nám við aðrar

háskóladeildir eða háskóla hafi, að mati lagadeildar, slík tengsl við lögfræði, að eðlilegt þyki að meta það sem hluta af lagánámi. Lagadeild getur ennfremur heimilað að nám og vinna við sérstök lögfræðiverkefni verði metið sem hluti af framhaldsnámi, þó að hámarki 3 einingar alls.

Stúdent skal hafa lokið embættisprófi í lögfræði eigi síðar en á því almanaksári þegar fjögur ár eru liðin frá innritun hans í framhaldsnám við lagadeild. Lagadeild getur veitt undanþágu frá þessu ákvæði um tímamörk ef veikindi eða aðrar vítaleysisástæður koma til.

5. gr.

6. mgr. ákvæða til bráðabirgða í reglunum breytist og verður svohljóðandi:

Breytt skipan lagánáms skv. XII. kafla reglna þessara tekur gildi við upphaf haustmiss-eris 2002 og verður ákvæðum 91. - 93. gr. beitt um stúdenta sem innrita sig til náms við lagadeild háskólaárið 2002-2003 og síðar. Eldri reglur gilda um stúdenta sem hafa staðist próf í almennri lögfræði vorið 2002 eða fyrr en kennsla fer þó ekki fram í einstökum greinum að hætti eldri reglna lengur en sem nemur reglulegri framvindu náms.

6. gr.

Reglur þessar, sem háskólaráð hefur sett á grundvelli laga um Háskóla Íslands nr. 41/1999, öðlast þegar gildi.

Háskóla Íslands, 27. ágúst 2002.

Páll Skúlason.

Pórður Kristinsson.

AUGLÝSING

um breytingu á auglýsingu nr. 192/2002 um öryggisráðstafanir vegna innflutnings á sjávarafurðum frá Kína.

1. gr.

3. mgr. 1. gr., sbr. auglýsingu nr. 465, 27. júní 2002, orðist svo:

Þrátt fyrir bannið í 1. mgr. er heimilt að flytja inn frá Kína heilan fisk, slægðan og hausaðan og flök af alaskaufsa, þorski, karfa, kolmunna, grálúðu, ýsu, síld, sandkola, lindýrum (*cephalopods*), skarkola og kyrrahafslax, sem veiddir eru í sjó að því tilskildu að 20% hvernar sendingar sé skoðað á landamærastöð og rannsakað með tilliti til efnaleyfa. Þessi skoðunarskylda gildir til 30. september 2002. Þetta á líka við um flök af laxi.

2. gr.

Ákvörðun þessi er tekin á grundvelli 24. gr. laga nr. 55, 10. júní 1998, um meðferð, vinnslu og dreifingu sjávarafurða, með síðari breytingum og tekur þegar gildi.

Sjávarútvegsráðuneytinu, 29. ágúst 2002.

F. h. r.

Snorri Rúnar Pálmason.

Guðríður M. Kristjánsdóttir.